

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br. 65-04-2-4654) na prijedlog Komisije za javne nabavke Izvještaj br. \_\_\_\_\_ od \_\_\_\_\_ 2025. godine, v.d. Generalna direktorica donosi:

### ODLUKU

o izboru najpovoljnijeg ponuđača za nabavku tekstilnog materijala

#### I

Na osnovu provedenog konkurentskog zahtjeva, okvirni sporazumi za nabavku tekstilnog materijala, dodjeljuju se ponuđačima:

1. Vizum d.o.o. Visoko za lotove 3, 4 i 5,
2. Artika d.o.o. Sarajevo za Lot 2.

Za Lot 1 nije dostavljena niti jedna ponuda te se u skladu sa Zakonom o javnim nabavkama čl. 69. Stav (2) tačka (a) postupak nabavke za ovaj lot poništava.

#### II

Izabrani ponuđači su dužni da u roku od 5 (pet) dana od dana prijema ove Odluke, dostave original ili ovjerene kopije dokaza o ispunjavanju uslova iz čl. 45. ZJN, u skladu sa dostavljenom Izjavom ponuđača, ne starije od 3 mjeseca računajući od momenta predaje ponude.

#### III

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo nakon što bude dostavljena ponuđačima učesnicima u postupku javne nabavke.

### OBRAZLOŽENJE

Klinički centar Univerziteta u Sarajevu je na portalu Agencije za javne nabavke objavio konkurentski zahtjev br. 893-7-1-64-3-393/25 od 25.02.2025. godine, za dostavu ponuda za izbor najpovoljnijeg ponuđača tekstilnog materijala.

Na protokol Kliničkog centra Univerziteta u Sarajevu u datom vremenskom roku dostavljene su 4 (četiri) ponude navedene u Zapisniku sa otvaranja ponuda br. 10-33-4-10460-1 od 20.03.2025. koji je dostavljen svim ponuđačima. Komisija za javne nabavke je konstatovala da su ponude pristigle blagovremeno te da su uredno upakovane i ovjerene od strane ponuđača.

Na osnovu Tenderske dokumentacije objavljene na Portalu javnih nabavki, Komisija je pristupila uvidu u ponude ponuđača u predmetu nabavke tekstilnog materijala i ustanovila da su ponude svih ponuđača formalno pravno ispravne osim ponuda kako slijedi:

Ponuđač **Saba d.o.o. Brčko** je dostavio ponude za Lot 2, Lot 3 i Lot 4 u istoj koverti i jednoj kvalifikacionoj dokumentaciji. Tačkom 4. Tenderske dokumentacije je određeno da „Ukoliko je nabavka podjeljena na više lotova, ponuđač koji dostavlja ponudu za više lotova dostavlja izjave o ispunjavanju uslova za kvalifikaciju u jednoj ponudi, prvoj po rednom broju lota na koji se prijavljuje. Ponude za sve lotove dostavlja u posebnim kovertama na kojima mora biti naznačeno na koji lot se ponuda odnosi. U posebnim kovertama za svaki pojedini lot, se dostavlja popunjen Aneks 3 uz izjavu o prihvatanju uslova plaćanja i sa svom potrebnom dokumentacijom navedenoj u obrascu Aneks 3 Tenderske dokumentacije. Zbog greške u dostavi ponuda, Ponuda ponuđača Saba d.o.o. Brčko se odbacuje u cjelosti.

Ponudač Inter-Com d.o.o. Zenica je dostavio ponudu za Lot 5 (platno za industrijske prese) i uz ponudu je dostavio uzorak materijala kako je traženo tehničkom specifikacijom. Materijal je dimenzije 20x30cm, teget boje sa poutkom od plastificiranog materijala. Nakon testiranja ponuđenog materijala na presi za peglanje za koju je i predviđen uočeno je da dolazi do naglog trošenja materijala i zabojevanja kako na poutki, tako i na licu materijala te prenošenja boje na tkaninu koja se pegla na presi. Zbog navedenih nedostataka, Komisija smatra da ponuđeno platno nije upotrebljivo za industrijske prese, te se Ponuda ponuđača Inter-Com d.o.o. Zenica odbacuje u cjelini.

Sve ostale ponude su formalnopravno ispravne.

Obzirom da se radi o konkurentskom zahtjevu, te da je kriterij za dodjelu okvirnog sporazuma „najniža cijena“, Komisija je prema Izvještaju br. \_\_\_\_\_ od \_\_\_\_\_ 2025. godine, predložila da se okvirni sporazumi dodjele prvoplasiranim ponuđačima. Dana 04.04.2025. godine, prvoplasirani ponuđač obavještava ugovornog organa da odustaje od svoje ponude za Lot 3 i Lot 4, te se iz ovog razloga okvirni sporazumi dodjeljuju drugoplasiranom ponuđaču:

Vizum d.o.o. Visoko

	Opis	Ukupna vrijednost bez uračunatog iznosa PDV-a (KM)	Procjenjena vrijednost (KM)
Lot 3	Filc za valjak za peglanje Krebe	4.800,00	4.800,00
Lot 4	Vosak za voštanje filca	3.600,00	3.600,00
Lot 5	Platno za industrijske prese	1.900,00	1.900,00
TOTAL		10.300,00	10.300,00

Artika d.o.o. Sarajevo

	Opis	Ukupna vrijednost bez uračunatog iznosa PDV-a (KM)	Procjenjena vrijednost (KM)
Lot 2	Filc za valjak Girbau	7.985,00	8.000,00
TOTAL		7.985,00	8.000,00

Okvirni sporazum se zaključuje za period od 12 mjeseci.

**Uslovi plaćanja:** 60 dana od dana isporuke robe i ispostave fakture.

**Paritet:** FCO Skladište kancelarijskog i potrošnog materijala KCUS-a.

Smatram da je Komisija pravilno postupila kada je uzela u obzir gore navedene činjenice i iz tih razloga prihvatom prijedlog Komisije i donosim odluku kao u dispozitivu.

v.d. GENERALNA DIREKTORICA

Prof. dr. Hajrija Maksić

**PRAVNA POUKA:**

Protiv ove Odluke može se uložiti žalba putem ugovornog organa odnosno KCUS-a u pisanoj formi, u roku od 5 (pet) dana od dana kada je podnositelj saznao ili je trebao saznati za navodnu povredu Zakona o javnim nabavkama BIH u toku konkretnog postupka.

Dostaviti:

- Sektor zajedničkih službi KCUS-a;
- Ponuđačima;
- a/a